

DUET Z DULETON FEAT. Duško Jeličić- dule

( Nikola Peršić,/Drago Gervais- Duško Jeličić- Mauro Staraj)

teško j ' danas neč šegavo napisat  
ča sad judi pali , to sad trebe znat  
se riječi sliče, a melodije pogotovo  
jena kitica, solo, refren- i gotovo

već ideji nima niki za zmislet hit  
a bez tega nema šanse na estradu se probit  
ja proval san zmislet neke besedi  
za ke te malice vriskat i hvalit me susedi

još da mi j' melodija ka se lovi uha  
da ju moru kantat i onisti prez sluha  
proval san razne varijante i stili  
ča se sad naslišaju i ča su nekad bili

bilo je tu techna, sentiši i polki  
malo za starejih, za mladići i divojki  
pital san kumpaniju : "ši van se pjaža?"  
rekli su mi : "škušaj, ma boja je ova."

**R:** pod učkun kućice bele  
miće kod suzice vele  
i jena mića, uska rečica  
na koj se dečica igraju

čuli ste ča je kumpanija rekla  
da od mojih kanconi je boja ova  
kad dule napiše to se sve slaže  
va ritme , va melodije, va tekste i solaže

a da pitaš duleta da ti pjesmu napiše,  
a ti se kod autor zdola potpišeš?  
hm,hm, tr ni loša ideja , ki će znat  
ko teješ bit poznat, moraš bit i tat  
to j' sada va mode , danas delaju tako  
pokradi refren , a drugo ćeš lahko  
a onda va sne, kot strel z vedra neba,  
javi mi se gospa i govori : "čuj ča ti treba..."  
greh je mislet kako ćeš tuje zet  
ti moraš z duleton snimit duet  
i već san bil pomislal da j' to od sumraka zona,  
a na radije je jušto soplva ova kancona :

pod učkun...

to j' bila ideja, to j' bil jackpot  
snimili smo pjesmu , i za nju još spot  
z bandon smo postali va grade glavne face  
sopli smo po pireh, va crekve i na terace  
na radije smo prvo mesto mi držali  
za nas su glasali i veli i mali  
dokle kamere snimaju i reflektori svete  
mi ovistu kantamo z duleton va duete:

pod učkun...